

姓氏族辨

姓者生也以此为祖父之相生也虽有百世而此姓不改族者属也与其子孙共生连属其旁支别属则各自为属史记天子赐姓命氏诸侯命族族者氏之别名也姓者所以统系夫百世使之相别也姓以生之氏以别之又为族以统之而派以次第之夫派者水之分也支分派别逆则溃乱则涌此天地自然之道族之派亦天地自然之道姓不改氏自别族联而派不率乱矣